

晚晴綴詩匯卷九十八目錄

黃景仁 三十四首

李憲噩 十一首

李憲壽 四首

李憲喬 二十首

李詒珩 一首

單可惠 五首

茹綸常 二十二首

吳進 十八首

吳詢 十一首

嚴光祿 九首

沈范孫 六首

晚晴籀詩匯卷九十八

徐世昌

黃景仁字漢鏞一字仲則武進人諸生官縣丞有兩當

軒集

洪北江曰黃二尹詩如咽露秋蟲舞風病鶴
 人曰玩其旨趣原本風騷清窈之思激哀於林樾
 宕之氣鼓怒於海濤吳蘭雪曰如仙人張樂音外
 有音名將用兵法外有法翁覃溪曰沈鬱清壯鏗
 鏘出金石試摘一二語
 可通風雲而泣鬼神
 詩話兩當軒天才曠逸五言古詩初擬漢魏微嫌著
 迹後乃泛濫唐宋大家所造益進以七言歌行爲最
 著少年名作雅近謫仙其善者豪宕感慨韻概俱勝
 如憑虛御風不可捉摸而頽放淺滑時亦不免入都
 後作頗致力昌黎東坡之間蹊徑一變實較專摹太
 白爲優其縱橫自如無意不達真若淚流鮫客悉化
 明珠米擲麻姑俱成丹粒而哀笳激管乏厚重安徐
 之致雖爲境迫亦露促徵人窮詩耶詩窮人耶玉芝
 堂贈其詩云願子養疴暇時復御緗素博
 聞既可尙平心亦有助真知仲則者也

觀潮行

客有不樂游廣陵卧看八月秋濤興偉哉造物此巨觀海
水直挾心飛騰溟溟萬萬夙未屆對此茫茫入埏隘才見
銀山動地來已將赤岸浮天外碎巖礎岳萬穴號雌喙雄
吟六節搖豈其乾坤果呼吸乃與晦朔爲盈消殷天怒爲
排山入轉眼西追日輪及一信將無渤海空再來或恐鴻
濛溼唱歌踏浪輪吳儂會齋何物邀海童答言三千水犀
弩至今猶敢攖其鋒我思此語等兒戲員也英靈實南避
只合同頭撼越山那因抉目仇吳地吳顛越蹶會幾時前
胥後種誰見知潮生潮落自終古我欲停杯一問之

後觀潮行

海風捲盡江頭葉沙岸千人萬人立怪底山川忽變容又

報天邊海潮入鷗飛艇亂行雲停江亦作勢如相迎鷺毛
一白尙天際傾耳已是風霆聲江流不合幾回折欲折瀉
頭如折鐵一折平添百丈飛浩浩長空舞晴雪星馳電激
望已遙江塘十里隨低高此時萬戶同屏息想見窗櫺齊
動搖潮頭障天天亦暮蒼茫卻望潮來處前陣纔平羅刹
磯後來又沒西興樹獨客弔影行自愁大地與身同一浮
乘槎未許到星關採藥何年傍祖洲賦罷觀潮長太息我
尙輪潮歸卽得回首重城鼓角哀半空純作魚龍色

春晝曲

楊花飛游絲颺雨地相逢不相讓畢竟楊花性更柔因風
復上楊枝上游絲一縷當空垂欲落不落花蕤蕤須臾駐
向花陰去有意尋之不知處楊花飄蕩絲纏綿游子心傷

望遠天寄語高樓休極目鳥嘯花落自年年

過馬氏宮址

纔從宮樹聽嘒鳥旋見荒臺叫鷓鴣不用官家親飲馬一鞭已塞洞庭湖

長驅紅粉出荆關舊日承恩數阿蠻老大飄零人不識月明低唱望家山

新涼曲

聞道邊城苦霏霏八月霜憐君鐵衣冷不敢愛新涼

春暮呈容甫

先生吟太苦終日閉荆關我亦詩窮者邀君數往還對牀聽夜雨分枕夢青山一任春江上流紅萬點殷

太白墓

束髮讀君詩今來展君墓清風江上灑然來我欲因之寄
微慕嗚呼有才如君不免死我固知君死非死長星落地
三千年此是昆明劫灰耳高冠岌岌佩陸離縱橫擊劍胸
中奇陶鎔屈宋入大雅揮灑日月成瑰詞當時有君無著
處卽今遺躅猶相思醒時兀兀醉千首應是鴻濛借君手
乾坤無事入懷抱只有求仙與飲酒一生低首惟宣城墓
門正對青山青風流輝映今猶昔更有灞橋驢背客賈島墓亦
在此間地下真可觀怪底江山總生色江山終古月明裏
醉魄沈沈呼不起錦袍畫舫寂無人隱隱歌聲繞江水殘
膏臙粉灑六合猶作人間萬餘子與君同時杜拾遺窈石
卻在瀟湘湄我昔南行曾訪之衡雲慘慘通九疑卽論身
後歸骨地儼與詩境同分馳終嫌此老太憤激我所師者

非公誰人生百年要行樂一日千杯苦不足笑看樵牧語
斜陽死當埋我茲山麓

上朱笥河先生

先生卓然坐虎皮旁羅賓從皆瑰奇珠光劍氣紛陸離貢
之玉堂當世希如余卷曲樽散資不可無一聊備遺公言
我欲拂拭之金沙同冶吾能治退而喜也心然疑指胸兀
兀前致詞嗟哉小子幼苦飢典書易米供衰慈草間咄咄
哦惡詩自爲其知曾無師公名束髮心已知三千里外無
見期義興兩龔語我私言公相士無成規埽門求見君無
遲我時唯唯神魂馳聚米不遂徒嗟咨竭來乞食江之湄
頭如蓬葆衣塵緇日日面壁愁孤羈忽聞公至樂不支徑
爾投刺趨階墀不用溫簡揖路歧豁然霽色雲霧披意氣

傾倒山可移誘我力學言如飴感激真乃零涕淚賓朋暇
日羅盤厄牆頭酒過梁果垂忘情畧分兼娛嬉公也環顧
掀髯髭不惜百妍問一媼於時歲景窮崦嵫寒灰忽爾逢
春熙恩遇已極心轉危一身塊然百不宜兩手只解霜螯
持漂零落魄志業隳漸恐化雨難爲施他時荆櫟從芟夷
卽是此日牛醫兒雖然一事願脫錐長謝乃敢終其辭假
如公有煙霞思此必弟子相追隨前驅猿猱後麕麋攜囊
入雲採苓芝剝剝幽怪窮險巖佐公巨筆揮淋漓此則不
敢多讓誰公聞此言願我嘻小子狂矣言無稽言雖無稽
心不欺春葵只有傾陽枝作詩呈公公解頤謂我詩筆猶
可爲十年吟苦霜鬢絲一編吐氣今其時

筍河先生偕宴太白樓醉中作歌

紅霞一片海上來，照我樓上華筵開。
傾觴綠酒忽復盡，樓中謫仙安在哉。
謫仙之樓樓百尺，筍河夫子文章伯。
風流髣髴樓中人，千一百年來此客是日。
江上同雲開，天門淡掃雙蛾眉。
江從慈母磯邊轉，潮到然犀亭下回。
青山對面客起舞，舞彼此青蓮一坏土。
若論七尺歸蓬蒿，此樓作客山是主。
若論醉月來江濱，此樓作主山作賓。
長星動搖若無色，未必常作人間魂。
身後蒼涼盡如此，俯仰悲歌亦徒爾。
杯底空餘今古愁，眼前忽盡東南美。
高會題詩最上頭，姓名未死重山邱。
請將詩卷擲江水，定不與江東向流。

客夜

空館綠苔閉步看，珠斗斜移牀隨落。
月滅燭對孤花水調鄰，家笛雷音夢裏車。
離憂損年少頓袖一長嗟。

慈光寺前明鄭貴妃袈裟歌

山僧篝火登佛樓發篋示我前朝物水田一襲鏤彩成光
燄至今猶未歇嶺猿睥睨山禽驚想見一騎中官擎當時
佞佛成間教九蓮衍得椒房名昭華寵占六宮冠十方建
寺誰能爭是日君心眷如意宛轉星前誓神器久看幻海
漫陰氛可柰廷臣與家事神廟移歸玉台空百劫難添蠹
餘字從可添絲繡佛龕誰教結習猶耿耿漸報蛾羣起河
北尙聞蘆稅賜淮南轉眼身肥不能走賊前請命嗟何有
可憐佛遠呼不聞有福祈來付杯酒洛陽宮殿安在哉珠
襦玉匣飛成灰猶餘此物鎮初地空山閱得滄桑來君不
見南朝三百六十寺至今一一荒煙裏又不見蕭梁同泰
何崔魏朝聞舍身夕被圍銅駝荆棘尋常見何論區區一

衲衣

黃山尋益然和尚塔不得借邵二雲作

眼界徹上下忠義不可逃大覺上上乘立腳宜堅牢明季
益然師大節邱山高夙業秉奇慧四大窮秋毫偶然俯塵
世怨水流滔滔置身君父間窮數百六遭二十舉孝廉撫
事心切切憤此蛾子蠢發篋窮豹韜永嘉渡倉卒內難紛
如鼂奇禍知不遠手少尺柄操傾家結流亡破膽同煎熬
杭睦越嶠戶浙水爲長濠一一聚米籌夜卧常枕改建業
一失守奮呼驟霜飈思文入汀漳遙應鳴金磬草間拜郎
爵轉戰折戟戮一舉事不成天命堪哀啓揚帆度浙海草
草揮旌旄軍中援司馬慷慨君恩叨左支復右絀絲盡不
可縑填海有精衛負陸無巨鼈膠舟再淪覆隻影竄棘蒿

全身入西竺從此離塵鷲誅茅吳山頭樾黑峯崩嶒瘡癩
洗澗瀑劍術教猿猱夜誦感石裂泉聲應嘈嘈接食鳥入
手食罷仍翔翱靈異難殫述一二傳無諂從子故鄉來短
衣縛祇裊迎之返黃海卓錫觀雲濤中途與相約歸可語
爾曹五日當過我相待留濁醪如期眾畢集語意悲且豪
長歌以當哭歌旨擬楚騷歌罷起如室眾意皆驚慄排闥
入相視跌坐衣垂縑呼之已圓寂是日風怒饗挂壁何所
有血汗留戰袍始知西來旨成佛不放刀撲實得頭地可
與羣魔盛低眉與努目一理事不勞感激壯士心聞者皆
悲號曾傳瘞塔所卽在茲山皋萬索不可得但見狐鼠噪
嗟嗟長虹氣深閉林櫺慘空山一俯仰薦爾無溪毛

橫江阻風

洲若香消岸荻秋離人虛繫五更舟曉來誰唱橫江曲惡
浪無情也白頭

歸燕曲

玉露零階葉飄井巢燕差池去無影別路三千紫塞長秋
風一夜烏衣冷可憐欲別更徘徊暮氣繁華眼倦開易主
樓臺常似夢依人心事總如灰珠簾十二斜陽下淒涼幾
闕流紅劔昔日拋花散綺筵此時掠草辭歌榭海國回頭
霧百重可應魂戀舊房櫳玉京臂冷紅絲斷神女釵歸錦
合空亦有江南未歸客年年社日曾相識故家子弟半飄
零蘆花滿地頭俱白朱雀航邊伴侶稀鬱金堂上故巢非
拋殘一樣新團扇辛苦三春舊舞衣感恩幾輩同關盼忍
待明年更相見一任泥拋落月梁那堪門掩無人院伯勞

東去雁南來百徧相呼誓不回
天空自有低飛處不是同心
莫浪猜

桐城懷方仲履昆季

會於官廨識機雲感我風情似薄醺
到枕岳鐘晨共被捲簾湘月夜添薰
冶游何處青驄騎醉墨猶存白練裙
鎮日龍眠山翠裏獨吟秋樹不逢君

塗山禹廟

鐵花已繡支祈殿閃尸罔象逃鞭鞘
文命治水河精教玉斗熨胷星冠顛
夢中飲河不用咆庚辰亥豎供趨趨
奚仲挾策驅轆轤趨風白水躬曲勺元圭
乃得天貺倏娶塗舊國山嶢嶢日暮失
嗣心孔悞祥狐候立風尾捎南妾歌始
正不咬出門那顧兒嘒嚙台桑莽莽雲
氣擎斷山出脈水

納厚蟻珠吐孕璞剖胞精燄浮爍波蒸魚作貢用逐橘柚
包日月拱璧霓垂旃典瑞輯玉爭來趁樂作言產兼沂巢
趨風振珮歛衽稍戔戔冠冕參閭交更攝荒邈來圻郊貫
胷長肱目或兌操蛇衣卉顏塗麴兜離僣佻聲嗽嗽窳窳
首龍雕題鮫或乘飛黃髮垂髻或乘騶吾駕神蛟干詭萬
狀窮撮抄各望聲教奔如鹿有不用命遭擊拊汪罔骨軸
專車拋桐柳血漉穀不苟省方用代重瞳庖威爽萬劫留
巖坳越三載會山登茅記傳兩地爭譏譏編年豕竹差不
消辛壬癸甲史筆譟兩日生子後所嘲眾論概勿深推敲
黃熊怒氣餘咆哮驚軀鹿足驅銀泡女媧化石立地膠風
蕩日暈睛微窅宮殿相望同豁庠承塵玉座垂蠡蚺松耶
柏耶蚪龍梢歲時雜沓神巫跑羅列百戲喧鐘鏡肥羊滿

控牛折炮至今熊白忌薦肴餘愴尙與人心交靈旗肅肅
風颯颯送迎曲短神無聲

稚存從新安歸而余方自武陵來新安相失於道作
此寄之

來鴻去燕江干路露宿風飛各朝暮多時相失萬里雲忽
又相逢不相顧吁嗟吾輩有底忙悵好年華此愁度君飲
新安水我客錢塘城風巖水穴每獨往此間但恨無君行
君下嚴陵灘我上富春郭日日看山不見君咫尺煙波已
成錯卸裝孤館開君書知君去纔三日餘君行盡是我行
處一路見我題詩無吳山越水兩迎送今夜追君惟有夢
贈程厚孫時爲厚孫作書與汪容甫定交

緊余抱黯陋研弄鮮精業橫陳撫遺經詰屈口先嚼而解

嗤俗儒鯁論何哮呌識字得未曾異同先摭扱赧顏強師
承抱膝未見鞞細或吹牛毛紆或旋螺甲虛或逃芒荒挺
或走偏狹六籍坐泥蟠鏗響誰與搗何如返崇山沈冥守
雲匝何如老秦壁甃發任頽壓雖然千百年名義固非乏
緬維炎紀英紛綸工羽嬰名象微言該訓詰精理洽下際
閩洛彥闢聖在心法亦坐門戶煩孽庶相攻劫所貴觀其
通不廢如裘袷亦如導支流納浸需啟牖亦如治洪爐金
沙融一霎誰爲同心言痒處與搔拍邇欣遭程子高談快
傾峽爲難有家世此任在肩胛傑觀卓不羣雄步坦無跲
覘所下帷處望氣已爲憐百城富擁桓萬軸架盈鄴時出
金石歛聲發不能欲遐哉作述心曠世共呼歡告我獨學
難業成資輔夾柰何威鳳資友我等鳧鳴我識江都汪投

分差可恰匪特經無雙羣言工貫插平時氣炎炎可望難
可狎論文忽幽渺境擬月寒破遂與俗殊尙狂名紛喋喋
知君求友殷招來爲飛劄文陣各挽強敵勅兩無法我爲
壁上觀目定不及貶名山讓公等吾行荷鋤鍤

孫薇隱自句曲歸以詩示輒題於端卽和其春日枉
贈之作

句金之壇閒有陵云可度世而上昇東南一竅闢地肺綿
延休氣時雲騰華陽玉碣閉千載登空有躡誰其乘我生
夢見且未得君有仙骨君先登神君抗手不復顧曲城閭
闔呼可騰江山文藻待洗刷乘風欲去何由能譴訶元放
叱抱朴笑彼過客如風鐙叢花匹練俛下界幻作組繡羅
君膺歸來脫裏出奇句是何光氣誰依憑試聽擲地響金

石不然捫字生圭稜竹墳篆鼎披詰屈冰車鐵馬驅凌兢
星枝落筆芒四射虹血漉劍斑初凝不愁嘔心銖肝腎雲
夢八九曾浮蒸始知名山助才力技至此矣胡能稱靈蛇
荆壁家所握嘈噴眾響喧蛙蠅君其一出空所見如以赫
日消春冰由來文章貴瑰魄肯襲蹊徑循畦陞雲君山鬼
義斯正墨兵蒙寇言差恆云奇豈復古人過況以常語相
因仍長庚星死玉樓召此事讓君三折肱參之韓杜得沈
鼻大厥門戶歸高曾游山讀書更十載恐絕來者難攀承
我方兀兀弄鉛槧方幅偈仄無尺繪惠連得句自吟賞束
晷漫語叢譏懲謬逢作者癖痂嗜積氣得吐相誇矜憶從
去春枉君作遲久不報理詎應苦緣望氣已辟易疲軍再
鼓嗟難興傾心倒意詎能默聊用撮壤崇山層自知俗骨

不能換煩君汲引拋長繩朗吟借訪舊游去挈我騎二龍
龍升

顏魯公名印歌

顏家世寶魯公印我初見之光奪矚倚天柱地赤文兩銅
八分廣徑亦如何論倉籀孰秦漢招搖輸金造化鑪公之
靈爽照千古洞天琳腴結蕊珠英英握拳透爪力侃侃正
士端人書想當印印雖罷畫小署紙尾腥紅硃初疑舐罷
盧奕面淚痕血漬交模糊不然老臣忠義膽一腔色正離
方宋當時河北廿四郡大名獨邀天子呼世稱魯公不姓
氏况千載後餒生乎口噤遑敢以手摸觸著恐犯蛟螭衙
頗嫌官誥尙書印九疊盤曲傷形模雖然物以人重耳以
此較彼徒區區詩成更乞印一紙佩作肘後龍威符要扶

心臟作正氣魂夢不敢流荒誣復愁雷電忽下取神物一
失如亡道

得稚存淵如書劄寄

秋窗夜涼鐙一粟日南坊西數椽屋客心羈孤不可論忽

有故人書在門書詞悱惻紙黯慘曾洗巨浪傾崑崙寄書人會

覆舟於河河關阻越兩年別展翰披緘轉愁絕洪生倔强百不

諳只解故紙驅銀蟬自餐脫粟厚親養儉歲襍被游江潭

孫郎下筆妙心孔百煉枯腸瀉真汞寄我新成病婦詩不

特才豪亦情種鶴籠鳳篴兩不聊憐我塌翅爲解嘲老親

弱子感溫問古意分明見方寸入世無妨醒是狂謀生敢

道貧非病燕山九月飛雪花日日典衣歸酒家聞鐘偶一

攬清鏡面上薄已汗塵沙插標賣賦愁絕倒臣劾苦長時

不飽織錦偏輪新樣工論文每歎清才少春風野火句全
刪今日長安住較難故人遲我作長句須在匡山讀書處
雪後集陶然亭先歸道登黑窰廠

城南有高亭亭與城相向城雉銜西山巒巒走青嶂殘雲
時一白破碎失山狀對山開長筵興酣酒力王中有清氣
通迥然發高唱入座皆俊物能容我跌宕轉嫌眼界窄三
面礙屏障欲撤不可得悄焉思遠颺疾覓快馬騎徑去不
復護豈因困酒逸略似放翁放一里得高臺于此足遼曠
野風四面合始覺所居亢尺五韋杜天幕我作行帳城遠
隨野闊一線空煙漾入雲翻凍旗暮角隱悲壯北眺瓦一
垓萬戶走鱗浪倏被暝色催幾處遠鐙亮九門將傳鑰三
殿久散仗而我此徘徊清絕轉悽愴回憶亭中人不見此

臺上興至各有適何必兩相望撫景傷我心願託陶家葬
去去應復來行行重惆悵

集吳香亭太常齋見所藏孫雪居董香光書畫合冊

作歌

董書唐人五七言絕
句八幅孫爲補圖

人言詩妙畫難盡我言是詩皆畫境人言書妙從畫參我
言畫亦書理兼雲閒董尙書書法昔無敵揮寫唐人五七
言金壺汁破霞殘色漢陽太守孫雪居力追詩意爲補圖
忽忘筆墨在何許時見雲煙空欲無咫尺何論萬里勢蕭
瑟蒼茫極能事是書是畫兩不分呵成一片青霞氣漢陽
煙樹連晴川兩公宦游爭後先我亦樓頭訪崔顥昔人不
見心茫然古人多少登樓客名籍誰應跨鶴仙太常先生
重毫素不薄今人尤愛古寒宵觴客觀寶臺墨光酒氣相

旋舞我於斯事罕一優不嫌百讀指昏眸祇今墨妙知誰
似俯仰人間二百秋

臘月廿五日飲翁學士寶蘇齋題錢舜舉畫林和靖
小像用蘇韻

一枝梅折孤山麓冷浸銅瓶汲朝渌卽此便是逋仙魂變
現花前貌如玉此花只合先生詩便著言詮都絕俗玉潭
妙手爲寫真五百年前閱風燭石几生雲氣尙温吟眸點
漆神逾足一童一鶴猶依依詎是無情拋骨肉妻梅謾語
如可憑情供家山問誰錄後人但賞疏影詩誰知別有相
思曲堯山堂外紀載林惜別長相思詞注云林共著家山
清供云先人和靖云云卽其子也乃喪偶未娶爾
老去高情寄託深幾株留伴墳前竹何當喚起圖中人茗
話寒宵淪甘菊

又用前韻題翁覃溪所摹和靖秋涼三君二札

放鶴空亭倚孤麓殘梅零落湖波淥寥寥遺墨在人間不

共沈蕤一簪玉

揚璉僧伽發公墓但玉簪一枝端硯一枚

三君八耶知阿誰得

識此公皆不俗念友期聽煙寺鐘聯游遲剪風船燭菱角

少許致不難寄錢二索愁未足

札中語

尋常語妙書更道此

亦何羨西臺肉學士雙鉤宛入神詩境停雲互收錄鬚眉

髣髴想見之歸卧夢繞西湖曲空山無人獨立久夜深似

有風敲竹乞摹萬本映窗光洗眼新泉浸寒菊

小除日經廠市見王叔明畫愛不克購歸以志懊

長安幾人愁歲逋誰耐齷齪看妻孥市中鴿炭白金換廟

上爆竹青紙糊紛紛景物百刺眼瞥見水墨江南圖尾鈐

猩脣叔明字心知其是焉可証藏古篆法意慘淡備諸皴

妙習銚鑪青林杳冥翠竹暮更不著人聽鷓鴣一重一掩
自開合萬壑千巖知有無借問主人枯不枯氣所不足辭
囁嚅煙雲過眼抄脫手不知去落何人廚歸來嗒然欲忘
我急喚墨汁書門符

元日大雪疊前韻

昨宵連巷喧索道我亦瑟縮羞妻孥朝來抹眊忽失笑一
天快雪雲模糊九重闔闔玉爲闕千門闐闐天開圖三元
節見三白端田公赫赫言豈誣蟣臣稱賀孰爲達亦感鼓
鑄隨鴻鑪端坑呵凍暈鸚鵡閩蓋試茶溫鷓鴣不令俗物
擾清供只除哦詩一事無亟謀歲飲傾市沽家人圍坐言
咕嚕閉門一任燒連寢隔舍或驚煙起廚果然一醉萬愁
失不用辟惡新桃符

初四日復雪余少雲以和詩來卽疊韻奉答

和詩火急如償逋竊笑不暇嗔癡孛鐙殘漏盡雪屋自有
似不著窗紙糊豈其飢吟坐眞癖亦省僵卧誠良圖牆頭
前雪望後雪聞古老語今非誣諺云牆頭一條知君渾含
有同賞楫拙熅火圍地鑪兩家北上逐鴻雁一心南飛隨
鷓鴣恢疏在骨合憔悴緩急叩門誰有無不如放溜下直
沽舟人醉語同詰噉了知浮世等蓬梗安用盛名爭顧廚
泥乾相訪出詩笑我歌定與君同符

題翁覃溪所藏宋槧施注蘇詩原本

卽宋商邱所藏本後歸查初白

注蘇之難如注杜誰識良工最心苦永嘉本已芻狗陳商
邱刻擬景星覩終愁綴葺或失真遺辭浪說由儀補天吳
紫鳳一倒顛星宿崑崙軌泐泐廢書神游嘉泰年槽司善

本落何所誰知好物如龍騰六合翱翔擇其主歸然靈光
歸寶蘇齋名初白菴中此先貯率更楷法久更新施顧同時
一機杼詩外有史史可增何必蟲魚鬪箋詁絕識博學兼
歷年能事無慙劍南序更從缺簡追混茫益歎今傳多錯
迂古人所有不盡有補之以臆毋乃魯查田謾說能訂譌
但存其舊不猶愈功臣玉局自有真益友吳興究笑取興
來竟欲家置編化千萬億光氣吐不令此籍遭泥蟠一爲
詩生沈腸腐公如有意付木工乞附姓氏公其許

桂末谷明經以舊藏山谷詩孫銅印見贈

我友曲阜冬卉子六書摹印真吾師鑄金同用範沙法顛
倒斯籀同兒嬉柳閒銀竈每相過篋中字書隨所攜脫囊
贈我一銅印精絕審是潑蠟爲朱文字減土數一彷彿西

江派中人所遺不然卽是吾家子耕紹谷輩云山谷孫系
以詩鸞翔蚪結一入手我欲拜賜心然疑我祖詩可祖天
下凡能詩者宜當之若資華胄便竊據不患造物嗔吾私
雖然一語敢相質斯道不絕危纍棋文章千古一元氣支
分派別徒費詞幾人眼光認鍼芥學者蟻附緣條枝雄深
一變爲釘餌精華已竭存糟醨康莊不出入鼠穴細尋牛
毛披繭絲強將譜系溷初祖九原可作夫誰欺摩圍派衍
源屢竭皖公雲封人莫窺我生衰門更才劣豈有筆力能
振支但將此印印家集一編世守儕尊彝北平學士潭今
巨手後先心印無差池李洪之編任史注薰蕕灌露窮搜
披埽除荆莽出光燄我翁斯文今在茲不信請將我言質
報贈魂匪瓊琚辭

送邵元直南旋

五年心跡感雲泥再世交情惡別離聚散不妨成小劫升
沈無計可前知只宜東野聞猿慣誰笑歐陽賦燕癡寥落
酒旗歌板地不堪君去我游時

歷城道中

北游忽不樂東來攬齊岱陸盡燕趙交水送汶泗會只有
清濟源伏流隱支派亦如古達人心跡有時晦羣山盡朝
岳敢向不敢背我峩靈威丈揖我青霞外迓客遣片雲飛
來若車蓋揮手暫相謝冰雪迫徂歲游倦思小休勝濟行
未艾寄語雪中花石上勞相待

除夕述懷

我本江海客風水性所諳爭食雁鶩侶眠臥蛟龍潭吳山

及越水到處工幽探強來北地游埃壒積不堪傭書讀中
祕逐隊趨趁趨煙海迷津涯十不憶二三欲投祭酒筆骨
相慙燕頷平慈親迫榆景髮脫難勝簪迎養薪桂地所愧
缺旨甘斜街路南頭因樹三閒菴老人弄孫罷繡佛依香
龕昨來秋風起語我思江南片舸下澤路家具不滿擔拜
送心斷絕而我羈歸驂有兒名一生廢學增癡憨曾不識
之無但索梨與柑有女已上頭長欲與母參心性稍點慧
恨渠不爲男俯仰旣無藉出處彌自慚薄游向齊岱聊寫
憂心悵一看封中雲快聽海上談懸車待春發陟岳搜穹
岷日觀俛滄海天門豁層嵐捫碑倚石表發策開玉函誰
知靈威丈赫爾噴其貪仍復驅我來卧病同僵蠶努力近
藥物割嗜疏酒飯一豎雜虛耗環伺何耽耽昔年壯意氣

萬象供嘲哈今如病馬伏不任驅驂驛面用方麴障口擬
石闕含亦有舊攜劍鏽澀昏星鐔亦有幼讀書塵封飽魚
蟬一僕窮相隨膚皺鬢豔麤作字遣之賣易菜日半籃縮
頸向鑪火暖意偷春酣忽訝歲云盡淚下衿衫淔轉憶去
年夕渾含談話誦索逋雖填門相對樂亦堪今反作孤客
枯寂同瞿曇百感自然集苦吟詎所耽顧影坐分歲漸聽
晨鐘鐺

李憲噩字懷民以字行號十桐高密人諸生有十桐草
堂詩集

詩話十桐思村侍御子早孤與弟蓮塘少鶴致力於
詩十餘年依張爲主客圖例蒐集元和以後諸家五
言詩推張籍賈島爲主朱慶餘李洞以下爲客名曰
重訂中晚唐詩人主客圖一時青齊間稱詩者翕然
從之其詩體格謹嚴詞旨清朗時時有獨到語不墮
當時風氣遂謂與漁洋秋谷鼎立則推崇過當矣

寄贈廬山人

高隱廬峯下終朝理素琴
客留春夜坐詩對曉山吟
野墅養幽性澗泉清道心
何時策藜杖雲外遠相尋

喜雨

沈雲滯輕雨迤邐不肯下
倏爾飄菊叢殷然響瓜架
稍繁獨起聽纔密遽云罷
冥冥疑有憑斟酌向中夜
田父攜斗酒日入會茅舍
好雨雖不多聊足潤穠稔
明朝好種麥東田叱雙駕

對雨和韋蘇州

晨興方淒淒永日遂浙浙
沾濡花上重瀟灑樹間密
稍急始紛喧漸繁轉寥寂
空宇難獨對幽窗易成夕
端居復無聊賴茲披往籍

夜登海山亭望月

天風吹不休潮勢正鬱勃峯頭夜尤靜一上睇寥闊渾渾
蒼霧中厭厭生殘月蜃氣相吞吐水怪時出沒憑視但無
際高歌慘不發蒼茫自冥懷慄慄復驚骨

子喬自縣中來言單書田先生貧至食木葉邀叔白
各賦一首爲贈

食盡門前樹先生空忍飢祇應到死日始是不貧時古性
原無怨高情獨有詩卽今三日雪堅卧又誰知

積雨平度道中先寄鳴九

長途互方倦積雨綿未歇滃然生溼雲望山正愁絕寂歷
荒店宿徘徊孤驛發已攬曉衣重未改午風熱阻順稍不
驚微勞足怡悅況與素心期故人隔年別

雪後晚望寄子迂

風色向林際冷吟還水邊夕陽晴照雪歸鳥暮沈煙樹遠
分高寺山昏合凍天仍懷北城下燈火獨蕭然

題宋海客表兄村居

草屋依依八九間豆棚瓜架映柴關
新除空地擬栽竹別起高齋爲看山
樹裏折回溪水遠窗前飛過野禽閒
村南柳市春醪熟時約鄰翁與往還

望廬山

盜城西郭客停橈望裏名山孤興遙
欲訪香鑪看瀑布潯陽江上雨瀟瀟

高士裘

李五星苦寒堅卧其友王熙甫單子庸爲製羊裘強起游眺余聞其事作高士裘

洛陽城中三日雪袁生凍卧僵欲折俗令不惜故人憐囊

底尙有傭書錢持向東市得老殺犖以大布寬於旃由來
朱紫輕毳褐此裘著做誓不脫千金狐腋裏羶腥羊若有
知死勝活從此柴門晝不關城西積素輝連山恥向澤中
釣時譽獨攬登高吟曉寒幸語高士衛爾冰霜骨慎莫負
薪傲炎月

雪後歸南村道中作

偶出耽清賞巾車趁雪還溪痕迷野渡日色辨前山斜徑
孤樵晚高枝並鳥閒欲投煙際宿荆戶未昏關

李憲高字叔白號蓮塘高密人諸生有定性齋集

曉發

太白上東嶺西望牽牛角煌煌叢薄下猶爛金盆月林際
春風生衣上曉寒薄羸馬戀豆味背樞不肯發行村舍

遙稍稍農樵作天色變茫昧清氣但寥廓長空何處聲早
雁在雲末

冬日過山村

寂寂暮村側勞勞行客過山風歸犢早簷日聚人多野盡
粟盈室橋成冰在河孤征慚未已積雪滿前阿

雪

薄醉衝寒跨驢出霜木崢嶸村舍寂野田無物饑鴟愁溪
路凍合鑿冰汲新詩得意正森爽朔雲壓腦轉昏黑初向
驢子前頭見率然三點五點白不翼而飛何處來塞空已
并此身入北極應搖斗柄注東宿自張箕舌吸側聞元冥
氣不交此時天上亦寒慄研珠屑玉勞精神被山冒嶺費
筋力上帝豈不樂無爲或言萬姓乞膏澤下界小臣同井

蛙仰窺妄以私意測道旁凍叟僵欲死且願被褐負暄日

讀柳子厚榕葉滿庭詩適聞雲持螢火見示因贈

柳州未遠似梧州自古詩人善旅愁手把流螢吟落葉君看春半果如秋

李憲喬字少鶴高密人乾隆丙申召試舉人官歸順知

州有少鶴詩鈔鶴再南飛集龍城集賓山續集

詩話少鶴詩名在羣從中最高袁簡齋游粵西見少鶴詩文目爲今之東坡詩出入唐宋諸大家而能空所依傍蓋有真意以運之也

首夏齋中示姪孫測

首夏已舒燠午風草堂前呼童開竹窗坐見東高原下綠
柳駢蔚上翠松孤蟠二者所餘色漠漠皆遠天南畝徑繚
繞婦孺攜且肩一鷺下南際天地爲曠寬子來勤問訊月

令相究研忻忽若有得詩成使之觀此中有真趣更非詩
所傳

和王荆公晝寢

百年蕭散跡強半此中居淡意雲能學遲情日不如晝收
四壁靜琴在七弦虛自覺清涼甚非關潦倒餘

冬行書驛壁

寒促臘將半擔囊更別親朔風當去馬遠雪帶行人野市
歸常早山程問不真自慚書幾上猶作泣歧身

都門答客

不是不相惜其如非故心出門卽歧路何處著孤吟城色
鬱將暝旅天寒易陰舊山早晚去春草未應深

雪中登五蓮山絕頂示穎叔

三日住山不見山中情有似饑待餉凍霖作雪意已饜亂
山蹙踏瓊瑤鋪依北一峯可見海峯頂披冒時有無毅然
欲往不可挽掉頭豈願山僧呼千由萬尋那能數但覺淫
汗霑裘襦是時薜乾石齒瘦硤厓漩滑如脂膚性命造次
怕蹉跌能變壯士成孱夫不惜作氣鼓儔侶天生我輩浮
雲殊短長成敗合有定不死應有神明扶牀第豈必盡餉
耆枉自浪擲千庸愚天風峻絕誰敢廬攫裂已有殘浮圖
繇來意氣不知險平地仰始始駭吁

與故人季涵論書

季生貿然來袖出中字盤辟競點畫邀我相指似我書
本無法敢爲對以意觀書如相人神骨當有異膚立豈能
久中乾固難恃顏柳蘇黃徒天與君子氣刻轢相聳削跌

岩轉巖毅正如冠劍臣談笑皆國計糞土棄么璣空洞見
胸次有時就敬偃白眼青天醉卻視黃泥人顛倒靈嫺戲
以此常自足窮老無悲喟有志我未能敬爲吾友遺雙鉤
與懸腕暇日請從事

海上訪法迂叟評事

坤宏

先生臨海居八十意條如半路中逢鶴單身外卽書應門
童亦拙繞屋樹還疏荆落誓須住前灘同釣魚

書石守道詩後

河朔氣貞剛江左語清綺由來限天堦南北風如此忽忽
千載間幻化何窮已高岸爲深谷北人慕南土拾拾弄芳
澤舉舉飾裙屐有聲必連瑛有情皆旖旎不知誰作俑恐
被陳良恥我讀徂徠詩中夜爲之起公言信不錯魯國一

男子

不朽

古人志不朽到今朽者半何況本無志其朽甯須問少小
尙奇偉盛壯轉庸漫未夕求安寢纔曉思美膳不知竟百
年役此得毋倦喧喧車馬會沸沸絲竹讌相看如聚沙轉
眼已風散問我何挾持中夜常感歎早達輸鄧禹固窮愧
原憲不朽藉文字所託良有限若更逐靡靡已矣何足算
夜登祝融峯

十載曾經入夢行茫茫有路記分明自看瀑布月初滿直
到青天雲未生列柏儼如玉冠侍餘峯都作水田平退之
去後誰來此不向巖間自署名

新年作三首一示縣中賓僚一懷故鄉子姪一寄家

兄湖南道中

衡巷無貧富新年足喜聲近鄰多問索童稚異心情壁網
看辰埽廚鐙到曉明誰憐未歸客庭戶自淒清
處處迎年樂家家餽歲頻泥牛排市小竈馬著牆新鏡卜
長侵夜村呼各向晨屠蘇分飲罷應感未歸人
依依遠歸櫂幾日過湘沅爆竹隔山驛門符臨岸村慈親
念游子兒女話鄉園八口分三處此情誰共論

修堦謠

始安江岸側有婦行隨夫擔持畚與鍤一身多泥塗我行
時借問夫言婦已歎烽堦設何爲使我連村困前夜吏到
舍叱喝府帖下一丁出百甄十戶供萬瓦典盡兒女衣稍
具甄瓦資更驅自轉運營造不待時嗟我生爲農舍業從

墾工田秧雖得插廢棄如枯葑秧枯卽絕食餓死行可必
誰言兵衛民我死彼卻逸瘦妻何孿孿甘與同罹患猶勝
有獨在忍餓爲寡鰥此邦雖邊鄙同是天赤子樂歲有災
凶皇天那知此國家久承平軍衛豈宜輕願告守土吏勿
使民恨兵

贈王若農

永叔變文體舉俗不勝罵爾時免罵者齷然歛已化待彼
罵稍歇徐放光燄長然後無賢愚無不頌歐陽始知趙孟
賁所取在一時況本無定見旋取旋棄之子羽不由徑伯
鸞更燃竈二子當初出甯辭駭與笑王君篤家學敦敦求
古意臨別乞予言欲以堅厥志眾棄君勿棄眾取君勿取
真能空目前乃可謀身後

岳陽樓玩月示道者南雲

洞庭不生月徑可無此樓月出渺渺波我在樓上頭湖爲
滌我心月爲刷我眸滌刷兩無盡相與成湛秋月乃對仰
卧似欲載我浮君山來枕席手引瀟湘流澄洞露表裏毫
髮無潛幽卻顧叫退之底用多騷愁希文稍欲遣果已能
樂不餘子固不記古今幾浮漚道人豈知道乃能喜我留
勉爲吐此詩庶免爲樓羞

歸順書感

喧喧擁鼓吹簇簇森列驕儀衛一何雄爲是臨邊州卻願
居中人未免多慙羞據案閱文牘瑣細劇毛輶所列非一
緒強半因徵求上以供長官下爲胥吏謀聞及民生者具
文泛且浮空見日擾擾火急疲置郵舊學竟安在徇俗爲

苟偷胡不自引退草衣歸田疇

示州父老

朝廷置羣吏本以爲爾氓豈爲奴隸輩股爾厚其生不知
當事者何以冥此情前因外番亂近防皆出兵廟謨在不
戰民困實所矜輓輸已累歲十室九不羸誰謂於此際而
反暴其征僕隸專指揮眾心那得平我本承其乏又切擊
此形無能救彫瘵中夜心怛怛召集諸父老積弊爲我明
敢云卽盡蠲庶使漸已輕長謝奴與隸不能爲若營稍待
民氣復吾志當得行勤勤諸父老告報喜且驚譬疾未得
藥遽有良醫名我聞實內愧亦可感爾誠何以相究竟勿
自負我盟

將去歸順和樂天杭州二詩

除官去未閒且復三月留喜與吏役疏日共諸生游城西
有古洞解東有新樓晴晝及月夕觴詠無時休柰當歲試
期諸生趨邕州紛去如落葉始覺孤樹秋獨有童氏子經
通行且修能來同我居對牀置衾裯夜半讀楚騷鐙闌風
颼颼因與論今古掩卷涕泗流頗憶韓子語君其張生儔
共言無倦聽晨坐盡更籌邊隅得此土甯復嗟夷猶詩成
寄諸生底用商聲謳

三年爲刺史白公當內移三年爲刺史李子去復來前後
三年中間我何施爲催科不敢拙那得撫字慈弭盜苦無
術遑問道拾遺惟民不我惡我不民鄙夷以此兩相得未
免情依依愧無西湖水爲汝漑田陂亦無天竺石爲我壓
舟資因我好吟詠多投送行詩山野黃髮叟里巷垂髫兒

僂僕各拜獻婉變相扳追肫意良可念奈多虛泛詞恩德
竟何有吾猶自知之若係倩人作尤不應我欺老者勸餐
飯幼者得攜持不言已可樂待我再來時

李詒珩字君衡高密人

詩話君衡少鶴子與羣從玉章詒珩在中論瓊方中
詒珩從子勺海敦洲子范敦澄皆以詩世其家學

揚州晚泊

暮色維揚郭落帆當石坡高梳出樹直遠火雜星多水閣
幾聲笛竹枝何處歌推窗憑望處故國渺煙波

單可惠號芥舟高密人諸生有白羊山房詩鈔

詩話高密自李十桐少鶴兄弟以詩名於時學子爭
效之芥舟稍後出頗極抑鬱磊落之致亦工倚聲有
懷香詞刻附詩後

客舍

東坡全集卷之十八
三
客舍夜來雨推窗看杏花新晴報鐘鼓春水上魚蝦有酒
皆成淚何人不憶家家中幾兄弟流落隔天涯

垂簾

垂簾埽地宛精廬心太平時萬事虛風緊不妨蟬噪穩天
晴又是豆花疏貧欺鮑叔難爲買懶絕山公未用書只說
才人困箕口詩情零落也憐余

送郝武民

毓嗣

游大澤山

太山雖云高不如東海勞我昨夢游踏其頂俯視一氣無
岩巖大澤拔地五千仞勢與勞岱爲單椒名士愛山如愛
色一時得意皆傾國買之不借髯參錢一生能著幾兩屐
有客有客字武民嶽嵒厯落可笑人手中九節赤城杖名
山面目識其眞峯頭日出金鴉鷲世上好夢人未寤此去

浩歌問鬱儀留我他日題名處

高福寺行

高福古寺何巍昂誰其作者商河王碧瓦朱甍照山水以
石爲柱花礎方行人下馬日卓午紅塵撲面生清涼僧言
此地泉水好石鼎小煮魚眼湯生天成佛吾未勇膜拜懶
與瞻毫光畫手將毋腕有鬼龍象著壁皆飛揚風窗縱橫
千貝葉相彼飢鼠充其腸開門或有王新建大閣誰與唐
李康自古賢王多好事以其餘力開道場百六十年一走
馬此寺豈不關興亡螭首龜趺尙林立寒食雨過苔痕蒼
莫笑捫碑蕭夫子強推甲乙尋偏旁

訪李五星

詒經

客行深巷曲犬吠竹籬根住近城西郭幽於嶺背村秋聲

來遠樹草色閉閒門余亦謝時事言尋靜者論

茹綸常字文靜號容齋一號簇蠶山樵介休人監生有

容齋詩集

董帷園日容齋詩不主一體自漢魏三唐迄宋金元
明無不供其驅使任西郊日容齋於學無所不該
詩特其一斑耳而亦不專一門自漢魏六朝唐宋元
明迄今今作者皆挹其醇而去其疵得其神遺其貌以
自成一家之言朱畫圖日容齋詩
温厚真摯合三唐兩宋而擷其華
詩話綿上詩家董帷園任西郊王田夫梁秋谷有
山人集容齋後起足與相抗存詩自乾隆辛巳始分
一笑山房初稿都門集巽桐集樂與集槐黃集菊隱
小草鄰中集言息廬詩卧游集輟絃集昨非集綿上
集三餘吟吟藁古芸書屋集秋蛩集友聲集秦樹集歸
與集獨吟吟集爛柯集為二十卷在里與帷園西郊田
夫相唱和交嘉善浦秋稼因與朱畫圖曹慈山有應
求之雅秋稼歿於客中容齋厚賻經紀其喪平生篤
於交誼事多類此集中
哭友諸作皆見性情

古槐歌為帷園先生賦

我愛古槐如古松
蚴蟉詰屈真虬龍
更愛古槐如古柏
霜皮黛色凝青銅
屯雲溜雨三百載
天矯勢欲爭天風
長夏森森擁秋氣
橫空倒疑飲澗虹
入門見者驚突兀
幽蔭有若深山中
主人繼述先澤遠
水源木本將無同
靈星之精相率賦
一時風雅矜詞雄
濬冲彥昇皆其選
謂石桐 鴻篇西郊
勒石聲摩空
我來不啻游槐市
刻鵠雕蟲慚未工
羨翁堂上何矍鑠
羨翁階下何青葱
得非亦效庾肩吾
之服槐實
遂令顏髮還如童
他年自應方雙瞳
嗚呼槐兮婆娑偃蹇
於牆東
日與幽人逸士相
遭逢
更千百歲無終窮

感事

揭葬驚心碧血存
傳芭何地與招魂
破窗零落殘編在
舊館幽陰白日昏
黑孽釀成封豕陣
青山望斷鶴鴒原
年年

寒食吞聲泣祇有棠梨照墓門

秋水

蕩漾虛明寫浪圓
涵秋色更年年
波沈皓魄疑雙月影
倒長空有二天
夜漲風驚鷗鷺起
舟回人伴荻蘆眠
獨憐東注無還日
嗚咽常聞古渡邊

輓浦秋稼

旅舍懽悰幾日違
人琴忽已痛俱非
河汾講席空成夢
檇李家山尙待歸
剩有清風悲馬磨
轉多遺累念牛衣
方干羅隱同君恨
魂魄無勞怨棘闈

重陽後一日初霽次西郊韻兼寄田夫

未許衝泥客到門
却憐高卧似文園
一林宿雨楓初戰
萬里迴風雁自翻
滄海雲深空碧落
小窗秋迴易黃昏
詩成

獨抱懷人思尊酒憑誰與細論

一笑山房同田夫西郊兩先生夜坐

白雁橫空夜氣淒騷人坐遍小軒西王名可冠楊盧駱任
筆能高晉宋齊四壁殘鐙蟲語急一簾清露月華低談詩
更出奚囊句香茗頻傾共品題

冬夜述懷

霜風勢逼地鑪火几隱烏皮供枯坐淒迷往事苦縈懷憂
患餘生厭坎坷學書學劍一無成爲仕爲隱兩不果溷跡
城市時煩窺滌衣塵土日堀堞洩渤幾逢貯藥籠腹負空
教慙炙輶中路挪揄鬼笑人東林招致佛佞我年來頗復
擁鼻吟嘔心鏤腎計仍左守株最拙爲身謀悠忽萬事成
頽隋君不見救趙歸來信陵末路方慮禍失志日惟近媿

嬌又不見不聽婦言伯倫頌酒鋪醉荷二豪侍側等螺贏
平生志不在溫飽盈紉安能較瑣瑣金誰地布珠斛量粟
孰瓶儲錢紙裹三窟狡轉笑鴟張百足捷甯憐鼈跛世間
何地逃毀譽風俗此邦矜壑慄顧我命亦在磨蠍斗不能
神箕揚簸異獸未堪附鉅虛怪草底從服舌堙崢嶸歲月
更躊躇行行更無顧甌墮短檠遙夜發狂歌起見黃梅影
嫵娜

擬織

擬織同心苜還成連理枝卻憐紅豆子全不解相思

夏日漫感

不律閒操謝治游一樽狂興伴登樓輕風漲綠抽山麥小
雨蒸紅破海榴少見腫方驚馬背多愁白更說烏頭年來

擬效元真子弱水徒聞隔祖洲

狐岐途中卽目漫成兼呈同游諸公

得聞復佳招翛然發幽興軟塵背郭門輕策向山徑落絮
尙濛濛感茲春景剩石桐數里間青冥遞相映兼之眾籟
清一洗人世聽飛流更超越轉覺心與競望古溯及岐四
載涉寥復水注暨山經千秋可互證何必修禊游乃擅觴
詠勝日午卓松陰風和恬鳥性因思勝水源澄綠定如鏡
遐賞契煙霞險韻諧競病糠粃前簸颺怡悅此持贈還期
白雲吟報遺及不佞

雨後

頓覺炎威失翛然興不窮坐來空翠落花傍夕陽紅院靜
初過雨窗虛自引風端居還足恥未敢謝牆東

山田余言也名十一
三
雲氣連山足庭陰向夕稀吾廬有如此巢燕未全非腐草
還沾屐絮花欲染衣空憐今雨好翻與故人違

寒夜讀韋詩

鑪煙半銷歇遙夜入孤迴中懷冰雪淨澹然杳詩境萬籟
寂不聞棲禽時一警近壁梅影橫到窗月色冷情絕愛韋
公冥情失馳騁

綿山歸途中長句紀游

俗眼朝朝混城市百年幾見好山水綿田忌坂道非遙肯
使名山遺鄉里一朝發興事幽探挈伴攜筇來迤邐入山
十里氣蒼茫确犖豁衍並可喜無地真愁眾壑深插天益
怵羣峯峙山花澗草垂繽紛古刹名藍供倚徙斷崖冥冥
朝煙青絕壁沈沈暮霞紫就中吾愛石乳泉雲竇涓涓瀉

清泚抱腹岩更稱雄奇百丈磴危自無始龍湫石洞夏生
寒鐵瓦名寺銀公洞險未已固知靈域非易窮快游誰復歎
觀止芒鞋竹笠柰爾何歸來猶憶邱壑美

寄嘉善曹慈山先生

過江風雅漫評量南望心知屬魏塘老去經傳秦博士歸
然人重魯靈光漱秋名崖小試來禽帖依綠軒名開抄種樹方
最是高懷容問字一編曾記遠相將予曾以拙集就正先生

春思

最愛韶光二月時春蕪漠漠柳絲絲塾巾雨蝕林宗墓禁
火人過介子祠巢燕重來知社近紙鸞初漾看見嬉憑誰
更問穠桃李酒冷香殘有所思

春日卽事用西郊韻

到眼風光未有涯
鞦韆撩亂鳥聲華
虛檐殘溜融春雪
小圃餘寒殢杏花
幾日枯禪參玉版
一時新火瀹銀芽
踏青料得遊人少
閒殺城南賣酒家

時值國家
禁屠酤

野望

極目郊原好連天
淨野氛蟬聲流別浦
鴉背入斜曛
遠樹多於髮
秋山半是雲
石河清水漲
吾欲狎鷗羣

積雨初霽望西山

三度京華住西山
阻幽探山靈故應笑
念之心懷慙維時
當溽暑積雨陽烏潛
街泥深沒屐閉戶如眠
蠶朝來忽開霽
暝翠浮層嵐樹色濃
與接天光澹相參
媼娥具娟好窈窕
勞遐瞻中聞饒勝概
玉泉兼龍潭
匯爲裂帛湖
風景尤堪耽
營構侈慈氏
比櫛皆精藍
惜哉碧雲寺
衣冠瘞魏闌

問戴葭湖病

詩人老坎珂鯨獨兼窮餓入門無人聲秋風百蟲和做帷
一片席白髮病仰臥鼎設藥誰煮呼鄰舌欲破命衰所事
違亦覺太摧挫花徑苔草荒硯席塵土挽身後事難知此
際憂已大

野步

孤懷何處遣攜屐造幽遐細雨寒塘草春風野店花此間
人賣酒前路水浮槎隨意行還歇林皋日色斜

早過東郊

海氣連雲赤東林發曙光地餘夜市火人帶曉行霜古岸
遺殘荻寒塘渡野航前村茅店早新酒坐聞香

寄程魚門太史

彭澤雜詩匯卷九十八
三
茅茨隱菰蒲數家連湖濱無事柳陰下水清看游鱗身閒
日益懶往來稀交親牖下老沈沒蕪詞向君聞卓犖操冰
鑑賞音不論人道在自能合相通有鬼神邂逅值衰暮懷
慰多歡欣

冬日陳西山過舍

冒冷叩荆扉急起相迎迓虛室坐增寒地爐蒸糜柘冰蔬
堅在土凍酒緩滴醉貧家治具難久始出廚下懽相道本
真意恆忘歸駕門外白皚皚野雪蓋茅舍

渡後望石棚山

花光照海爛無邊點綴幽巖憶昔賢雨後青山環北郭雲
中紅樹入高天窮年石室虛無主引領仙人去不還渡口
曉寒當日出潮回煙島望相連

漁灣

蟬語斷人聲山深秋樹老門徑曲以幽林園依石島澗水
灌田禾雲崖長藥草天清海氛消層層見嶺表

薄暮再步湖上

老最耽幽趣湖干夕再尋雲煙蒸草氣水月淡人心事過
旋成昔情生復有今更闌游舫散清靜在園林

示準兒

門衰丁復稀大母八十邁得汝如珍寶願望何時大屋破
夜滴雨母抱坐撐蓋當此兒忽覿大母聞心碎隔牖數驚
問疑生意慮外來朝抱汝嬉筋衰不願憊母繼大母亡數
載兩見背言念舊時恩應難爲五內

飯罷

飯罷欲出門，撰杖整韋布。家人問所之，笑而不知處。或尋野寺僧，或問清溪渡。意中無前期，隨在得幽趣。情欣得復留，緩緩作歸步。

過陸竹民先生故居感作

東頭書屋梅子黃，白日無人微雨涼。門外柳絮落如雪，浮萍數點生池塘。先生下世三十載，詩卷伴取青山長。一生日月醉鄉盡，至今空屋遺糟牀。吾家山翁君好友，風雨吟詩同一堂。百事水乳各相近，飲量獨讓先生強。有時花間醉欲倒，山翁笑向親扶將。雲煙過眼時事遠，餘韻細想徒徬徨。西窗數莖竹枝老，月上疎影浮昏黃。

將之金陵留別羅萃堂

己卯去白下同行凡五人，迄今十八載。我與君獨存，君衰

我差健尙覺能步奔赴省送兒試不獨爲兒勤一道秦淮
水數峯鍾阜雲雲水娛人意時時縈夢魂與君誓言別好
自安朝昏蘭衰菊初秀棹歸常茲辰

登雨花臺高處亭子

高上石子岡雨霽草猶溼孤亭在山巔半爲樵收集有風
雲不留無人鳥自入人煙紛目前遠山近城堞風氣此獨
殊秋深未黃葉

過高座寺

石子岡邊路崎嶇繞碧灣樹高秋寺靜僧老雨窗閒身世
都如夢齊梁只剩山雲煙靄蒼翠積久是禪關

永濟寺

細草寒煙散碧灣疏花修竹滿禪關清鐘遠落三江水古

殿高環四面山竟日心齋僧入定連宵風阻客愁顏白門
孤棹經過久蘿閣層層一再攀

吳詢字重約桐城人諸生有畫溪詩集

秦小岷曰畫溪詩集各體皆工余尤篤愛其五言詩
畫溪家龍眠去劉海峯先生稍後而其詩如礪松露
鶴神格超羣與海峯先生之詩相似雖窮
於遇而詩則和平夷愉得古風人之遺
詩話重約詩情超絕俗無唐以後語高處逼近漢魏
其論詩云詩入神境只是敘事善於敘事者天馬行
空不善敘事者跛驢磨麩又云味外有味色外有色
音外有音神外有神言在此而意在彼意在此而韻
在彼言有盡而意無窮意有盡而韻無窮
窮風人之致也知此可以讀其詩矣

江上晚興有懷金海住先生

落日秋江清潮寒散空碧江水去悠悠此夕孤舟客遙遙
湖上山粼粼沙中石餘霞斂復晴昏煙淡將夕天末懷夫
君相思千里隔秋雁唳涼風淒淒葦花白

送友人

君彈出塞音我唱白頭吟
挾瑟高堂上淒淒勞客心
關山萬里暮風雨五更深
送爾不能別看余淚滿襟

山中秋夕

柴門秋色暝獨坐竹林間
白鶴自飛去暮雲時往還
彈琴愛流水學道喜空山
更采東籬菊歸來且閉關

早春郊行

正月二日春氣微東風習習吹我衣
池中冰泮魚初戲林下花開鶯始飛
誰家庭榭且深坐如此溪山莫漫歸
相看懷抱各自識休問游人今是非

舟中有懷

落日泛汀洲悠悠江水流
我從襄漢下今夜宿揚州
雁影

隨鄉夢簫聲動客愁有懷郭有道何事不同舟

南行途中作

恰恰黃鸝鳴遠村淒淒客子暗消魂
梨花細雨小寒食楊柳春風孤店門
不盡長江浮旅夢無情芳草送王孫
明當匹馬搖鞭去回首天涯是故園

送客之蜀

華陽黑水古揚州此去潛通江漢流
客路猿嗥夔子國花時人上仲宣樓
孤帆影落三巴遠匹馬風生五丈秋
莫向君平問消息渴來應典鷓鴣裘

望羅浮山有懷海屏

伊人已云逝山水憶知音
夙志期遠游依依見我心
我心飛上羅浮島綠蘿花開覆煙草
鮑靚由來親隱淪葛洪於

此開懷抱遙見飛雲跨鶴來手持白玉荷花杯爾家仙客
五百載驅雞已上松風臺松風臺上飛流霞松風臺下沽
酒家可知月落參橫夜惟有寒梅一樹花

古劍篇

海月蒼蒼照秋水下有空潭老龍起蛟人夜半嘯海宮古
劍一聲飛萬里龍泉太阿不敢誇干將遠遁輕鎔鄒空山
無人老松下皎如清水芙蓉花白虎司秋天氣精伍員廟
前秋月生堂堂正氣塞天地寒光怒起飛濤聲吁嗟劍兮
光不滅白虹爲氣七星穴萬古英雄一片心海風吹斷天
山雪

對雪有懷

孤亭收晚翠大雪滿前山不見襄陽老相思空往還琴聲

隨澗遠鶴影共雲閒豈擬袁安卧無人且閉關

乾隆丙戌秋卧疾山園得叔詒詠都中書並憶昨行
一首起坐而歌家人歎惋疾爲之愈十餘年欲答

臨紙輒廢聞中客舍乘興做其體和之

崑崙山頭閩風苑憶昨王母開情宴桃花結子三千年與
君共作東方倩世事由來難獨擅人生那得長相見七載
風塵跨蹇驢有如東飛伯勞西飛燕啣得天涯尺素書開
緘令我沈疴變張儀無舌亦欲吟子龍有膽終須顫於潛
絹裁爲扇嫁得黔婁失金釧是時在側縫針線卿有三寸
篋中刀我有一尺牀頭卷天風吹客海上來十年又復光
如箭借問行人路幾干途中卻過豐城縣客舍中宵總不
眠團團海月當窗見把君詩卷長吟徧使我心似餘霞散

綺澄江練自騎竹馬吐狂言汝南空有先賢傳腐儒破帽
何須戀嗚呼破帽真可嗔生兒卻似又工文文如不賤仍
不貧騎馬便作看花人

嚴光祿字石帆桐城人貢生候選訓導有石帆詩鈔

詩話石帆曾應乾隆己酉南巡召試其平生事實略
見於五十一自述詩及其門人孫貫中輓詩分東山大
梁射襄三集凡十卷圓融
秀澈頗與高青邱相近

吼山

鬼斧鑿靈根斲舟穿石洞渟然水一泓削壁暗如甕捨舟
躡我履溼翠沾餘凍紆迴轉湫仄離立嵌虛空山腹裏林
扉危崖出層棟煙開江海平雲起巖壑動澄觀物皆寂曠
坐鳥微哢得意默無言撫境還疑夢何必山僧知澗流自
迎送

過蔡林

故里不相識行行雜徑多
遠從田父問危上木橋過
一姓自成市數家斜傍河
村深風俗古舉族見雍和

送許晦堂

燦

重之江右

落日長亭柰爾何得歸今日又關河
春來鴻雁離羣去江上黿鼉憶客過
白髮故人鄉夢斷青山是處旅愁多
舊游正及梅花發一曲誰堪入楚歌

姑蘇臺

玉檻銅溝蹟已非畫橈猶憶采蓮歸
梧宮葉落人何處留得春風燕子飛

登吳山大觀臺

絕頂盤空磴道開一亭高踞氣雄哉
礪邊奇石衝雲出樹

杪危巒踏霧來斜攬湖山圖半壁全收江海入層臺射潮
尙憶三千弩落日陰沈見霸才

晚渡瓜洲

樹影瓜洲渡風光揚子津長空孤鳥外片席大江濱霧擁
山藏寺天低月近人中流誰鼓柁歸去有漁艖

望金山

夾岸重城壯中流一柱尊夕陽翻倒影飛翠落遙樽鐘磬
沈煙際鼉鼉上塔根長公舊游地玉帶憶山門

鎮海塔觀海

百級危梯上茫茫一氣間江光遙入海潮勢欲沈山闐闐
何從叩蓬萊莫可攀仙人能挾我揮手謝塵寰

樓上

夕陽猶在野疏雨忽當樓朔雁樹頭影江虹天際秋美人
不可見孤客迴含愁薄暮碧雲冷西風聞櫂謳

沈范孫字子孟號又希秀水人諸生有又希齋集

詩話又希以諸生負文譽主講大梁書院童二樹來
游冬日畫梅花有蜂飛繞其上又希為賦詩二樹疊
韻至百篇袁隨園為文紀之以為美談又與黃仲則
為友贈以詩有句云我輩終磨滅奇才獨讓君其推
重如此詩清剛傳
上不墮當時風氣

大雪用禁體

朝日照屋梁虛室悉通透階前水盈墀戶北冰在霤忽然
陰霾合六出稍稍逗初見屋角慢瓦齒已非舊牆垣及庭
除補綴平罅漏積寸不移晷盈尺未為厚薄暮大於掌丙
夜竟如晝靈鼈想沒跡飛鳥飢莫救巨室足豪興茅宇難
自覆直恐寒不減堯年今見又晨興忽凜冽作氣與之鬪

目眩屢迴矚風緊載縮脰呼童闕門徑指直不出袖彌望
四野平瞻顧身在寶老樹葉盡脫禿幹工琢鏤冬青遠模
糊獠惡類奇獸或如藐姑射忽露兩三岫蓬萊望見之咫
尺儼可就杞人消其憂民命天所佑陰勝固所惕融化亦
勿驟照耀庭月間舉酒月出後黃間攻詩城白戰不許殼
再過綠杉野屋贈汪大西村

大經

無多秋色曉晴初夾岸人家水拍蘆小艇斜穿黃歇浦輕
衫又到子雲居談心爲鼓平沙曲刮目欣看倒薤書半載
分襟一彈指相逢肯放夜窗虛

偕汪大梅溪過碧光庵訪慧能津梁庵訪巨源二上人俱不值

春色已如此相將渡若耶道人無定所惟我亦忘家碧玉

林抽筍黃金菜作花蒲團聊借坐且試一杯茶

丁酉除夕前三日二樹寫梅花時正苦寒百蟲盡蟄
忽有一蜂徘徊幘上繞花不去予適在洛因作歌

紀之

青麟有髓鼠有鬚奇葩忽發三兩株橫枝倒幹氣莫過往
往衫袖同沾濡朔風退舍寒氣避春光露出姑射膚毫端
幻成香雪海鼓吹力使萬類蘇墨花有香畫有色一蜂驀
入幽人居辛苦直欲鑽故紙和氣頓覺春風俱物非其時
各驚異室中戶外相招呼傳聞洛下徧鄉井化工之筆傾
東都我聞點睛破壁化龍手又聞嘶風齧草神馬圖畫工
通神尙如此何況浩氣凌碧虛冰心數點見天地挽回元
氣生槁枯腐儒咋舌不敢讚筆補造化原非誣一枝欲折

烏可折蠟蠟繞紙徒區區

馬二墨卿來從閩中攜示墨秋帆中丞所刻蘇文忠

公生日設祀詩卷題後兼寄王秋塍

復

大義山人玉局翁萬牛筆力鏗洪鐘華嚴法界在腕底磨
蝸自與昌黎同甯分蜀洛矜意氣肯向章蔡爭雞蟲三遷
清要宵小忌撫拾制誥交相訐東京黨禍續元祐晚落僭
耳如飛蓬屢更大赦量移郡奎宿竟返蓬萊宮中丞慕公
詩卽公七百載後追遺蹤秦黃劉晁作賓佐一一口吐青
芙蓉中堂設象老蓮筆以詩介壽能感通髯仙彷彿騎兩
龍靈旗颯沓來碧空式歌且舞進三爵神具醉止樂則融
我不與事心懣懣作歌聊寄程王洪俚言啁啾慚未工慎
勿流布墮童蒙

晚晴移詩匯卷九十八終